



REPUBLIKA E SHQIPERISË
Komisioneri për Mbrojtjen e të Dhënave Personale
Komisioneri

Nr. 02 Prot

Tiranë, më 13, 10 2011

Lënda : Mbi kundërvajtjen administrative të kontrolluesit, **Klinika “Shalom” Tiranë.**

VENDIM

Nr. 25, datë 13/10/2011

Mbështetur në Ligjin nr. 9887, datë 10.03.2008 “Për Mbrojtjen e të Dhënave Personale”, Vendimet e Kuvendit të Shqipërisë nr. 211, datë 11.09.2008 “Për zgjedhjen e komisionerit për mbrojtjen e të dhënave personale” dhe nr 225, datë 13.11.2008 “Për miratimin e strukturës organike dhe kategorizimit të pozicioneve të punës të zyrës së Komisionerit për mbrojtjen e të dhënave personale”, pas shqyrtimit të materialit dhe mendimit paraprak të Drejtorisë së Inspektimit në ngarkim të kontrolluesit, **Klinika “Shalom” me adresë: Rr. Don Bosko, 200 m mbrapa P.” Hawai”, Tiranë.**

KONSTATOVA

Sipas ligjit nr.9887, datë 10.03.2008 “Për mbrojtjen e të dhënave personale”, ju keni cilësinë e Kontrolluesit, pra përgjegjësinë për përpunimin e të dhënave personale dhe si i tillë keni detyrimin të zbatoni të gjitha kërkesat e këtij ligji dhe në mënyrë të veçantë të detyrimin të parashikuar në nenin 21 të tij.

Në pikën 1 të nenit 21 të ligjit të sipërm parashikohet : “Çdo kontrollues duhet të njoftojë komisionerin për përpunimin e të dhënave personale, për të cilat është përgjegjës. Njoftimi duhet të bëhet para se kontrolluesi të përpunojë të dhënat për herë të parë ose kur kërkohet ndryshimi i qëllimit të përpunimit, të njoftuar më parë. Ndërsa në nenin 22 saktësohet përmbajtja e të dhënave që përpunoni, të cilat duhet t’i njoftoni tek Komisioneri.

Për zbatimin e këtij detyrimi nga ana e jonë, me shkresën nr.1975 prot, datë 28.03.2011, ju është dërguar një informacion me shpjegimet se si do të plotësoni formularin e njoftimit të të dhënave personale që përpunoni, duke ju caktuar një afat për plotësimin e këtij detyrimi, datë 28.04.2011.

Po kështu, nga verifikimi e regjistrave të Drejtorisë së Regjistrimit të këtij institucioni rezulton se, ende nuk keni depozituar formularin e plotësuar të njoftimit.

Moskryerja e kësaj detyre ju ngarkon me përgjegjësi administrative të parashikuar në nenin 39 pika 1, gërma “d”, të ligjit nr.9887, datë 10.3.2008 “Për mbrojtjen e të dhënave personale”, ku parashikohet dënimi me gjobë nga 10.000 deri në 50.000 lekë.

Për zgjedhjen e masës së gjobës Komisioneri ka parasysh shkallën e njohjes dhe masat që keni marrë për implementimin e ligjit nr.9887, datë 10.03.2008 “Për mbrojtjen e të dhënave personale”.

Nisur sa më sipër, në zbatim të neneve 21-23, 30/2, 39/1,4; 40 e 41, të Ligjit nr.9887, datë 10.03.2008 “Për Mbrojtjen e të Dhënave Personale”, si dhe 107-109 të K.Pr.Administrative ;


V E N D O S A

1. Dënimin e Kontrolluesit, **Klinika “Shalom” Tiranë** me gjobë 30.000 (tridhjet mijë) lekë.
2. Gjoha arkëtohet nga kundërvajtësi në Buxhetin e Shtetit, jo më vonë se 30 ditë nga komunikimi i këtij vendimi.
Me kalimin e këtij afati, ky vendim shndërrohet në titull ekzekutiv dhe ekzekutohet në mënyrë të detyrueshme nga zyra e përmbarimit.
3. Kundër këtij vendimi mund të bëhet ankim në Gjykatën e rrethit gjyqësor, Tiranë, brenda 30 ditëve nga data e njoftimit.

Ky vendim u dha sot me datë, 12.10.2011.

KOMISIONERI

Flora ÇABEJ (Pogaçe)





REPUBLIKA E SHQIPERISË
Komisioneri për Mbrojtjen e të Dhënave Personale
Komisioneri

Nr. 62/2 Prot

Tiranë, më 08/11/2011

VENDIM

Nr. 25/1 datë 08/11/2011

Mbështetur në Ligjin nr. 9887 datë 10.03.2008 “Për Mbrojtjen e të Dhënave Personale”, Vendimet e Kuvendit të Shqipërisë nr. 211 datë 11.09.2008 “Për zgjedhjen e Komisionerit për Mbrojtjen e të Dhënave Personale” dhe nr 225 datë 13.11.2008 “Për miratimin e strukturës organikës dhe kategorizimit të pozicioneve të punës të zyrës së Komisionerit për Mbrojtjen e të Dhënave Personale, pas shqyrtimit të ankesës të kontrolluesit “Fondacioni Shqiptaro-Korean” të datës 1.11.2011, mbërritur pranë Zyrës së Komisionerit për Mbrojtjen e të Dhënave Personale.

KONSTATOVA

Me vendim Nr. 25 datë 13/10/2011, kontrolluesi Klinika “Shalom” është dënuar me gjobë 30.000 (tridhjetë mijë) lekë, për kundërvajtjen administrative të parashikuar në neni 39 pika 1 germa”d” të ligjit Nr. 9887, datë 10.03.2008 “Për Mbrojtjen e të Dhënave Personale”.

Përfaqësuesi i kontrolluesit të klinikës “Shalom” z. Jae Doo Shim me datë 01.11.2011 ka paraqitur një ankesë pranë Zyrës së Komisionerit për Mbrojtjen e të Dhënave Personale nëpërmjet së cilës kërkon heqjen e kundravajtjes administrative të datës 13.10.2011, pasi Kontrolluesi Klinika “Shalom” ka plotësuar detyrimin për njoftim më datë 02/05/2011 nën emrin “Fondacioni Shqiptaro - Korean”, me të cilin figuron i regjistruar pranë Regjistrat Tregtar në Qendrën Kombëtare të Regjistrat (Q.K.R).

Nisur nga ky fakt Komisioneri shqyrtoi dhe njëherë vendimin nr. 25 datë 13.10.2011 dhe pas verifikimit të regjistrat të njoftimit, shqyrtimit të ankimit, materialit të inspektorëve të Drejtorisë së Hetim Inspektimit të cilët inspektuan në vend këtë kontrollues konstatoi se; Kontrolluesi klinika “Shalom” është i njëjtë me kontrolluesin “Fondacioni Shqiptaro - Korean” i cili rezulton të ketë kryer detyrimin për njoftim pranë Zyrës së Komisionerit.

Sa më sipër, në zbatim të nenit 30 të Ligjit Nr. 9887, datë 10.03.2008 “Për Mbrojtjen e të Dhënave Personale”, si dhe të nenit 122 të K.Pr.Administrative;

VENDOSA

1. Revokimin e vendimit nr. 25, datë 13.10.2011 në ngarkim të kontrolluesit, klinika “Shalom“ (Fondacioni Shqiptaro – Korean).
2. Një kopje e këtij vendimi i dërgohet kontrolluesit “Fondacioni Shqiptaro - Korean”.

Komisioneri

Flora Cabej (Pogaçe)

